



# ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

Հ Ր Ա Մ Ա Ն

№ 245/12 - L « 19 » 12 2024թ

«2024-2025 ՈՒՍՈՒՄՆԱԿԱՆ ՏԱՐՎԱ ԸՆԹԱՑՔՈՒՄ «ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՊՐՈՖԵՍՈՐԱԴԱՍԱԽՈՍԱԿԱՆ ԿԱԶՄԻ ՎԵՐԱՊԱՏՐԱՍՄԱՆ ԵՎ ԱՏԵՍԱՎՈՐՄԱՆ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ՀԱՄԱՐ ԴԻՄՈՒՄ ՆԵՐԿԱՅԱՑՆԵԼՈՒ ԿԱՐԳԸ» ՀԱՍՏԱՏԵԼՈՒ ՄԱՍԻՆ

Ղեկավարվելով «Երևանի պետական համալսարան» հիմնադրամի (այսուհետ՝ ԵՊՀ) կանոնադրության 57-րդ կետի 10-րդ ենթակետի պահանջներով՝

### հ ր ա մ ա յ ու մ ե մ

1. Հաստատել «2024-2025 ուսումնական տարում «Երևանի պետական համալսարան» հիմնադրամի պրոֆեսորադասախոսական կազմի վերապատրաստման և ատեստավորման գործընթացին մասնակցելու նպատակով դիմում ներկայացնելու կարգը՝ համաձայն հավելվածի:
2. Սույն հրամանով հաստատված կարգով սահմանված գործընթացի նկատմամբ հսկողությունը հանձնարարել ԵՊՀ շարունակական կրթության կենտրոնին:
3. Սույն հրամանի մասին տեղեկացնել ԵՊՀ աշխատողներին:

ԵՊՀ ՌԵԿՏՈՐ

Հ. Կ. ՀՈՎՀԱՆՆԻՍՅԱՆ

Հավելված  
ԵՊՀ ռեկտորի 19.12.24 թ. թիվ 245/12-1 հրամանի

#### Կ Ա Ր Գ

### 2024-2025 ՈՒՍՈՒՄՆԱԿԱՆ ՏԱՐՎԱ ԸՆԹԱՑՔՈՒՄ «ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՊՐՈՖԵՍՈՐԱԴԱՍԱԽՈՍԱԿԱՆ ԿԱԶՄԻ ՎԵՐԱՊԱՏՐԱՍՏՄԱՆ ԵՎ ԱՏԵՍԱՎՈՐՄԱՆ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ՆՊԱՏԱԿՈՎ ԴԻՄՈՒՄ ՆԵՐԿԱՅԱՑՆԵԼՈՒ

1. Սույն կարգով սահմանվում է «Երևանի պետական համալսարան» հիմնադրամի (այսուհետ՝ ԵՊՀ) պրոֆեսորադասախոսական կազմի աշխատողի (այսուհետ՝ աշխատող)՝ վերապատրաստման և ատեստավորման գործընթացին մասնակցելու նպատակով դիմում ներկայացնելու կարգը:

#### ԼՎԵՐԱՊԱՏՐԱՍՏՄԱՆ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ՀԱՄԱՐ ԴԻՄԵԼՈՒ ԿԱՐԳԸ

2. ԵՊՀ գիտական խորհրդի կողմից 2023 թ. փետրվարի 9-ին ընդունված «Երևանի պետական համալսարան» հիմնադրամի պրոֆեսորադասախոսական կազմի վերապատրաստման 2023-2026 թվականների ծրագրի իրականացման կարգի» համաձայն վերապատրաստում անցնելու նպատակով աշխատողը դիմում (ձևանմուշը կցված է՝ հավելված 1) է ներկայացնում ռեկտորին:

3. Աշխատողի դիմումը 3-օրյա ժամկետում ռեկտորի կողմից ուղակվում է ԵՊՀ շարունակական կրթության կենտրոնին (այսուհետ՝ Կենտրոն):

4. Կենտրոնը ստուգում է աշխատողի դիմումում նշված անձնական և այլ տվյալները, որից հետո աշխատողին ուղարկում է առցանց ինքնազնահատման հարցաթերթի էլեկտրոնային հղումը:

5. Աշխատողը պարտավոր է 5-օրյա ժամկետում առցանց լրացնել ինքնազնահատման հարցաթերթը:

6. Կենտրոնը հարցաթերթի հիման վրա 10-օրյա ժամկետում կազմում է տվյալ աշխատողի անհատական վերապատրաստման ծրագիրը, նրան ընդգրկում է վերապատրաստվողների խմբում և աշխատողին ուղարկում է վերապատրաստման դասընթացների նկարագրությունը և ժամանակացույցը:

7. Վերապատրաստման արդյունքում աշխատողին Կենտրոնի կողմից տրամադրվում է կուտակած միավորների վերաբերյալ տեղեկանք, որում ներառվում են նաև 2022-2024 թվականների ընթացքում ԵՊՀ վերապատրաստման ծրագրերով աշխատողի կուտակած միավորները:

## II. ԱՏԵՍԱՎՈՐՄԱՆ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ՀԱՄԱՐ ԴԻՄԵԼՈՒ ԿԱՐԳԸ

8. «2024-2026 թվականների ընթացքում «Երևանի պետական համալսարան» հիմնադրամի պրոֆեսորադասախոսական կազմի գործունեության գնահատման և ատեստավորման ընթացակարգի» (այսուհետ՝ ընթացակարգ) համաձայն ատեստավորում անցնելու նպատակով աշխատողը դիմում (ձևանմուշը կցված է՝ հավելված 2) է ներկայացնում ռեկտորին՝ կցելով ընթացակարգում նշված փաստաթղթերի փաթեթը:

9. Աշխատողի դիմումը 3-օրյա ժամկետում ռեկտորի կողմից ուղակվում է ԵՊՀ ռեկտորի 11.10.2024թ. թիվ 196/135-Ա հրամանով ստեղծված ատեստավորման հանձնաժողովին:

10. Հանձնաժողովը աշխատողի դիմումի և կից փաստաթղթերի հիման վրա, ընթացակարգին համապատասխան կազմակերպում է աշխատողի ատեստավորումը:

Հավելված 2

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՌԵԿՏՈՐ

Հ.ՀՈՎՀԱՆՆԻՍՅԱՆԻՆ

ՖԱԿՈՒԼՏԵՏԻ

ԱՄԲԻՈՆԻ

ԻԳ

ԴԻՄՈՒՄ

Հարգելի՛ պարոն Հովհաննիսյան,

Խնդրում եմ Ձեր հանձնարարականը դասախոսի ատեստավորման հանձնաժողովին՝ մասնակցելու դասախոսների կամավոր ատեստավորմանը՝ ըստ «2024-2026 թվականների ընթացքում «Երևանի պետական համալսարան» հիմնադրամի պրոֆեսորադասախոսական կազմի գործունեության գնահատման և ատեստավորման» ընթացակարգի:

Դիմող՝ \_\_\_\_\_

(ստորագրություն)

\_\_\_\_\_

(անուն, ազգանուն)

\_\_\_\_\_

(օր, ամիս, տարեթիվ)

Հավելված 1

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՌԵԿՏՈՐ

Հ.ՀՈՎՀԱՆՆԻՍՅԱՆԻՆ

ՖԱԿՈՒԼՏԵՏԻ

ԱՄԲԻՈՆԻ

hg

ԴԻՄՈՒՄ

Հարգելի՛ պարոն Հովհաննիսյան,

Խնդրում եմ Ձեր հանձնարարականը Շարունակական կրթության կենտրոնին՝ ընդգրկվելու դասախոսների վերապատրաստման ծրագրում՝ ըստ «Երևանի պետական համալսարան» հիմնադրամի պրոֆեսորադասախոսական կազմի 2023-2026 թթ. վերապատրաստման ծրագրի:

Դիմող՝ \_\_\_\_\_

(ստորագրություն)

\_\_\_\_\_

(անուն, ազգանուն)

\_\_\_\_\_

(օր, ամիս, տարեթիվ)